

MËSIMI 54

1. Në vend që të besonin Fjalën e Perëndisë, çfarë donin të shikonin farisenjtë dhe skribët?

-Ata donin të shikonin një shenjë.

2. Pse kërkonin farisenjtë dhe skribët të shihnin më shumë shenja?

-Sepse ata nuk besonin që Jezusi ishte Perëndia Shpëtimtar.

3. A do të na shpëtojë ne të parit e shenjave dhe mrekullive?

-Jo.

4. Nëse ne themi që do të besojmë se Fjala e Perëndisë është e vërtetë vetëm kur të shohim një shenjë mrekullie, atëherë çfarë po themi ne.

-Që Fjala e Perëndisë është një gënjeshtër.

5. Cila ishte shenja e vetme që Jezusi tha se Ai do t'u jepte njerëzve?

-Shenja e Jonas.

6. Cila ishte shenja e Jonas?

-Ashtu si Jona ndenji në stomakun e peshkut të madh për tre ditë dhe për tre netë, kështu edhe Jezusi do të qëndronte tre ditë e tre netë në zemër të tokës.

7. Pse tha Jezusi që judenjtë ishin më të këqinj sesa njerëzit e Ninivës?

-Sepse njerëzit e Ninivës u penduan nga mësimi i Jonës kurse judenjtë nuk u penduan nga mësimi i Jezusit, Perëndisë Shpëtimtar.

-Farisenjtë e urrenin Jezusin.

-Pse e urrenin farisenjtë Jezusin?

-Sepse Jezusi u tregoi atyre që Ai ishte Perëndia Shpëtimtar.

-Farisenjtë mendonin që Jezusi ishte vetëm një njeri.

-Farisenjtë mendonin që asnjë njeri nuk duhet të thotë që ai është Perëndi.

-Për çfarë tjetër e urrenin farisenjtë Jezusin?

-Për shkak se Jezusi u tha atyre që ata ishin mëkatarë dhe që Perëndia do t'i dënonte ata nëse nuk pendoheshin.

-Farisenjtë nuk besonin që ata kishin lindur në mëkat.

-Farisenjtë besonin që ata nuk kishin mëkatuar kurrë në të gjithë jetën e tyre.

-Për çfarë tjetër e urrenin farisenjtë Jezusin?

-Për shkak se shumë njerëz ndiqnin Jezusin, ata ishin xhelozë ndaj Jezusit.

-Farisenjtë mendonin që njerëzit duhet të dëgjonin ata në vend të Jezusit.

-Farisenjtë mendonin që njerëzit duhet të ndiqnin ata në vend të Jezusit.

-Për shkak se farisenjtë e urrenin Jezusin, ata e vëzhgonin Jezusin vazhdimisht për të parë nëse Ai do të thyente një nga urdhërimet e Perëndisë.

-Nëse Jezusi do të thyente një nga urdhërimet e Perëndisë, atëherë farisenjtë do ta dënonin Atë me vdekje.

-A do të thyente Jezusi ndonjë nga urdhërimet e Perëndisë?

-Jo.

-A i mbajti Jezusi të gjitha urdhërimet e Perëndisë?

-Po.

-A mëkatoi ndonjëherë Jezusi?

-Jo.

-Pse jo?

-Sepse Jezusi është i përsosur.

-Sepse Jezusi është Perëndi.

-Sepse Jezusi është pa mëkat.

-Sepse Jezusi iu bind Atit Perëndi në çdo gjë.

-Ndërsa Jezusi i bindej Perëndisë, Ai nuk iu bind farisenjve.

-Pse nuk iu bind Jezusi farisenjve?

-Sepse farisenjtë i kishin ndryshuar urdhërimet e Perëndisë.

-Si i kishin ndryshuar urdhërimet e Perëndisë farisenjtë?
-Farisenjtë kishin shtuar ligjet e veta tek urdhërimet e Perëndisë.

-Kur Farisenjtë shtuan ligjet e veta tek urdhërimet e Perëndisë, ata i bënë urdhërimet e Perëndisë të dukeshin si gënjeshtër.

-Një nga ligjet që farisenjtë kishin shtuar tek urdhërimet e Perëndisë ishte që asnjë nuk lejohej të shëronte dikë tjetër në ditën e Sabatit.

-Pse e shuan farisenjtë këtë ligj tek urdhërimet e Perëndisë?

-Sepse ata thoshin që të shërosh dikë është si të bësh punë dhe Perëndia nuk donte që ata të punonin ditën e Sabatit.

-Ligji që farisenjtë kishin shtuar e bëri urdhërimin e Perëndisë të dukej si gënjeshtër.

-Një ditë Sabati, Jezusi shkoi në një sinagogë.

Le të lexojmë Marku 3:1-2

1-Pastaj ai [Jezusi] hyri përsëri në sinagogë dhe aty ishte një njeri që kishte një dorë të tharë.

2-Dhe ata [Farisenjtë] po e ruanin në se do ta

shëronte në ditën e së shtunës, që pastaj ta paditnin.

-Kur Jezusi hyri në sinagogë, një njeri me dorë të tharë ishte atje.

-Pse po e ruanin nga afër farisenjtë Jezusin?

-Farisenjtë donin të shikonin nëse Jezusi do ta shëronte këtë njeri në ditën e Sabatit.

-A do të zemërohej Perëndia nëse Jezusi do ta shëronte njeriun në ditën e Sabatit?

-Jo.

-Pse nuk do të zemërohej Perëndia nëse Jezusi do ta shëronte njeriun në ditën e Sabatit?

-Sepse të shërosh dikë ditën e shtunë nuk ishte punë.

-Sepse Perëndia At donte që Jezusi ta shëronte atë njeri.

-Çfarë bëri Jezusi?

Le të lexojmë Marku 3:3-5

3-Dhe ai i tha njeriut që e kishte dorën të tharë: ``Çohu në mes të të gjithëve!''.

4-Dhe u tha atyre: ``A është e lejueshme ditën e së shtunës të bësh të mirë apo të keqe, të shpëtosh një jetë apo ta vrasësh?'' . Por ata heshtnin.

5-Atëherë ai, si i shikoi rreth e qark me zemërim, i

hidhëruar për ngurtësinë e zemrës së tyre, i tha atij njeriu:
"Shtrihe dorën tënde!". Ai e shtri, dhe dora e tij u
shëndosh përsëri si tjetra.

-Pse u zemërua Jezusi me farisenjtë?

-Sepse Jezusi pa që zemrat e tyre ishin të ngurtësuar.

-Nga e dinte Jezusi që zemrat e tyre ishin të ngurtësuar?

-Jezusi mund të shikojë në zemrën e çdo personi.

-Jezusi e njeh zemrën e çdo njeriu.

-Jezusi shikoi në zemrat e farisenjve dhe pa që ata nuk
donin të dëgjonin atë që Perëndia po u mësonte atyre.

-Është shumë gabim të mos dëgjojmë atë që Perëndia do
të na mësojë ne.

-Faraoni nuk dëgjoji atë që Perëndia donte t'i mësonte atij
dhe Perëndia e dënoi atë me vdekje.

-Izraelitët në shkretëtirë nuk donin të dëgjonin atë që
Perëndia donte t'u mësonte atyre dhe Perëndia i dënoi ata
me vdekje.

-Perëndia do t'i dënojë me vdekje të gjitha ata që nuk e
dëgjojnë atë që Perëndia do t'u mësojë atyre.

-A e shëroi Jezusi njeriun me dorë të tharë?

-Po.

-Kush ishte i vetmi që ishte në gjendje të shëronte plotësisht një dorë të tharë?

-Perëndia.

-Si e shëroi Jezusi njeriun me dorë të tharë?

-Vetëm duke folur.

-Në fillim, si e krijoi Perëndia tokën?

-Vetëm duke folur.

-Ashtu siç krijoi tokën vetëm duke folur, Jezusi gjithashtu shëroi njeriun me dorë të tharë vetëm duke folur?

-Pasi Jezusi shëroi këtë njeri, çfarë bënë farisenjtë?

Le të lexojmë Marku 3:6

6-Dhe farisenjtë dolën jashtë e menjëherë bënëin këshill bashkë me herodianët kundër tij, se si ta vrasin.

-Farisenjtë dolën jashtë nga sinagoga dhe filluan të bënëin komplot sesi ta vrisnin Jezusin.

-Me kë e bënë Farisenjtë komplotin për të vrrarë Jezusin?

-Me herodianët.

-Kush ishin herodianët?

-Herodianët ishin njerëzit që ndiqnin mbretin Herod.
-Herodianët gjithashtu nuk besonin që Jezusi ishte Perëndia Shpëtimtar.

-Mbreti Herod ishte biri i mbretit Herod që u përpoq ta vriste Jezusin kur ai ishte fëmijë i vogël.

-Kur njerëzit dëgjuan për mrekullinë e Jezusit, çfarë bënë ata?

Le të lexojmë Marku 3:8

8-Dhe nga Jeruzalemi, nga Idumea, nga përtej Jordanit; gjithashtu një turmë e madhe nga rrethinat Etiros dhe të Sidonit, kur dëgjoji gjërat e medha që ai bënte, erdhi tek ai.

-Shumë njerëz erdhën tek Jezusi.

-Ata erdhën për të dëgjuar mësimin e Jezusit.

-Ata erdhën për t'u shëruar nga sëmundjet e tyre.

-Ata e dinin që Jezusi ishte në gjendje t'i shëronte njerëzit.

-Vetëm Perëndia është në gjendje t'i shërojë njerëzit.

-Për shkak se shumë njerëz erdhën për të parë Jezusin, shumë shpejt u bë një turmë aty.

Le të lexojmë Marku 3:9-10

9-Atëherë ai u tha dishepujve të tij të kenë gjithnjë gati një barkë, që populli mos e shtynte.

10-Sepse ai kishte shëruar shumë veta, të gjithë që kishin sëmundje dyndeshin rreth tij që ta preknin.

-Shumë njerëz me sëmundje po vinin tek Jezusi dhe ata shëroheshin vetëm duke e prekur Atë.

-Për shkak se turma po shtynte përpara vetëm për ta prekur Jezusin, ai u tha dishepujve të Tij të kishin gati gjithnjë një barkë në rast se turma e shynte Atë për tek uji.

-Nuk ka patur asnjë si Jezusi ndonjëherë.

-Jezusi është më i madh se të gjithë.

-Çfarë thanë demonët kur ata e panë Jezusin?

Le të lexojmë Marku 3:11

11-Dhe frymërat e ndyrë, kur e shihnin, binin përmbys para tij dhe bërtitnin, duke thënë: ``Ti je Biri i Perëndisë!"

-Si e quajtën demonët Jezusin?

-Ata e quajtën Atë, Biri i Perëndisë.

-Pse e quajtën demonët Biri i Perëndisë Jezusin?

-Sepse demonët e dinin që Jezusi kishte ardhur nga Perëndia At.

-Megjithëse njerëzit nuk e dinin që Jezusi kishte ardhur nga Perëndia At, demonët e dinin që Ai ishte Perëndia Shpëtimtar.

-Si e dinin demonët që Jezusi ishte Perëndi?

-Përpara se demonët të bëheshin të këqij dhe të ndiqnin Satanin, ata ishin engjëj të mirë dhe i kishin shërbyer Jezusit në qiell.

-Të gjithë demonët e dinë që Jezusi është Perëndia.

-Por sidoqoftë, demonët nuk duan që ti t'i besosh Jezusit.

-Demonët nuk duan që ti t'i besosh Jezusit sepse ata nuk duan që ti t'i shpëtosh fuqisë së tyre.

-Nëse ti beson në Jezusin, atëherë Jezusi do të çlirojë ty nga fuqia e demonëve.

-Si i urdhëroi Jezusi demonët?

Le të lexojmë Marku 3:12

12-Por ai i qortoi rreptësisht që të mos thonin se kush ishte ai.

-Jezusi i urdhëroi demonët të mos i thonin askujt se kush ishte Ai.

-Pse nuk donte Jezusi që demonët të tregonin se kush ishte Ai?

-Jezusi donte që njerëzit të besonin tek Ai për shkak të asaj që thoshte Ai dhe jo për shkak të asaj që thoshin demonët.

-Ashtu si Jezusi donte që njerëzit të besojnë në Të për shkak të Fjalës së Tij, Perëndia do që të gjithë ne të besojmë tek Jezusi për shkak të Fjalës së Tij.

-Pasi Jezusi kishte mbaruar së shëruari njerëzit, Ai u ngjit lart në mal.

Le të lexojmë Marku 3:13-19

13-Pastaj ai u ngjit në mal dhe thirri pranë vetes ata që deshi. Dhe ata erdhën tek ai.

14-Dhe ai i caktoi dymbëdhjetë që të rrinin me të dhe që mund t'i dërgonte të predikojnë,

15-dhe të kishin pushtet të shëronin sëmundjet dhe të dëbonin demonët.

16-Ata ishin: Simoni, të cilit ia vuri emrin Pjetër;

17-Jakobi, bir i Zebedeut, dhe Gjoni, vëllai i Jakobit, të cilave ua vuri emrin Boanerges, që do të thotë: "Bij të bubullimës";

18-Andrea, Filipi, Bartolomeu, Mateu, Thomai, Jakobi i Alfeut, Tadeu, Simon Kananeasi,

19-dhe Juda Iskarioti, i cili më pas e tradhëtoi.

-Nga njerëzit që e ndiqnin Atë, Jezusi zgjodhi dymbëdhjetë burra që të ishin dishepujt e tij të veçantë.

-Këta të dymbëdhjetë quheshin apostuj.

-Apostujt që zgjodhi Jezusi nuk dinin të lexonin apo të shkruanin mirë dhe as nuk kishin shumë para.

-Jezusi zgjodhi dymbëdhjetë apostuj ngaqë ata i besonin Atij.

-Një nga ata që zgjodhi Jezusi quhej Juda.

-Juda thoshte që besonte te Jezusi, por ai vetëm sa e thoshte këtë gjë me buzët e tij.

-Në zemrën e tij, Juda nuk besonte në Jezusin.

-Njëmbëdhjetë burrat e tjerë nuk e dinin që Juda nuk besonte në Jezusin, por Jezusi e dinte.

-Jezusi madje e dinte që Juda një ditë do ta tradhëtonte Atë.

-Ne mund të jemi në gjendje për të mashtruar njerëzit dhe t'u themi atyre që i besojmë Perëndisë ashtu si Juda, por ne nuk mund ta mashtrojmë Perëndinë kurrë.

-Perëndia shikon brenda në zemrat tona.

-Perëndia e di nëse ne i besojmë Jezusit me gjithë zemër, apo thjesht e themi këtë vetëm me buzët tona.